



## I. PRINCIPADO DE ASTURIAS

### • OTRAS DISPOSICIONES

#### CONSEYERÍA D'EDUCACIÓN, CULTURA Y DEPORTE

*RESOLUCIÓN de 14 de xunetu del 2015, de la Conseyería d'Educación, Cultura y Deporte, pola que s'aprueba la convocatoria de subvenciones a medios de comunicación pa la normalización social del asturianu y, nel so ámbitu, del gallego-asturianu, en réxime de concurrencia competitiva.*

Examináu l'espedito de referencia, resulten los siguientes

##### Antecedentes

*Primero.*—L'Estatutu d'Autonomía del Principáu d'Asturies y la Llei 1/98, de 23 de marzu, d'Usu y Promoción del Bable/Asturianu señalen como competencia del Principáu'l fomentu y la protección del asturianu nes sos distintes variedades que, como modalidaes llingüístiques, s'usen nel territoriu del Principáu d'Asturies, mesmo que del gallego-asturianu nel so ámbitu.

De magar l'aprobación d'esta normativa, el Principáu d'Asturies asumió la dirección, coordinación y execución de les actividaes rellacionaes col asturianu y vien estableciendo midíes específiques de promoción del mesmu, respetando siempre los principios de llibertá y voluntariedá nel so usu pola ciudadanía. Ente estes midíes ta la de la convocatoria de subvenciones o ayudes que permitan fomentar l'usu del asturianu y del gallego-asturianu n'iniciatives particulares, empresariales o asociatives y, en xeneral, como vehículu d'espresión cultural.

*Segundo.*—La xestión de la política llingüística ta integrada nel ámbitu de la Conseyería d'Educación, Cultura y Deporte acordies colo que se dispón nel Decretu 4/2012, de 26 de mayu, de Reestructuración de les Conseyerías qu'integren l'Alministración de la Comunidá Autónoma, en relación col Decretu 74/2012, de 14 de xunu, pol que s'establez la estructura orgánica básica d'aquella.

*Tercero.*—Por Resolución de la Conseyería d'Educación, Cultura y Deporte de 20 de xunu del 2014 (BOPA de 27 de xunu del 2014) aprobáronse les bases reguladores de subvenciones a medios de comunicación pa la normalización social del asturianu y, nel so ámbitu, del gallego-asturianu, en réxime de concurrencia competitiva.

*Cuarto.*—Por Resolución de 16 de febreru del 2015 de la Conseyería d'Educación, Cultura y Deporte (BOPA n.u 47 de 26 de febreru del 2015) apruébase'l Plan Estratéxicu de Subvenciones pal exerciciu 2015, y nel so Anexu I ta incluyida la llinia de subvenciones a medios de comunicación pa la normalización social del asturianu y, nel so ámbitu, del gallego-asturianu.

*Quinto.*—Por Resolución de 1 de xunetu del 2015 de la Conseyería d'Educación, Cultura y Deporte (BOPA n.u 157, de 8 de xunetu del 2015) apruébase la primer modificación de les Bases reguladores de la concesión de subvenciones a medios de comunicación pa la normalización social del asturianu y, nel so ámbitu, del gallego-asturianu en réxime de concurrencia competitiva.

*Sesto.*—Acordies colo dispuesto na Resolución de 16 de mayu del 2005, de la Conseyería d'Economía y Alministración Pública, pola que s'establez el sistema d'información contable de l'Alministración del Principáu d'Asturies y el so sector públicu y s'aprueben les normes sobre los procedimientos de xestión, tramitación y réxime de contabilidad na execución del presupuestu de gastos, la Intervención Delegada, en fecha 13 de xunetu del 2015, emitió'l correspondiente informe fiscal favorable.

##### Fundamentos de derechu

*Primero.*—La Llei 38/2003, de 17 de payares, Xeneral de Subvenciones, establez nel so artículu 22 que'l procedimientu ordinariu de concesión de subvenciones tramítase en réxime de concurrencia competitiva, esto ye, pente medies de l'aprobación de la convocatoria pública correspondiente, previa aprobación de les bases reguladores de la mesma. Coles mesmes, el Decretu 71/1992, de 29 d'ochobre, que regula'l Réxime Xeneral de Concesión de Subvenciones, establez nos sos artículos 6.2 y 7 que la concesión de subvenciones innominaes y xenériques nel ámbitu de la comunidá autónoma del Principáu d'Asturies faise por convocatoria pública, previa aprobación de les bases reguladores de la mesma.

*Segundo.*—La competencia p'aprobar les bases y convocar la concesión de la subvención correspuende a la Conseyería d'Educación, Cultura y Deporte, tal que s'establez nel artículu 38 de la Llei del Principáu d'Asturies 6/1984, de 5 de xunetu, del Presidente y del Conseyu de Gobiernu, y nel artículu 5 del Decretu 4/2012, de 26 de mayu, de Reestructuración de les Conseyerías qu'integren l'Alministración de la Comunidá Autónoma.

*Tercero.*—L'autorización del gastu ye competencia de la persona titular de la Conseyería d'Educación, Cultura y Deporte, acordies colo que s'establez nel artículu 41 del Testu Refundíu del Réxime Económicu y Presupuestariu, aprobáu



por Decretu Llexislativu del Principáu d'Asturies 2/1998, de 25 de xunu, en relación col artículu 8.1 de la Llei del Principáu d'Asturies 11/2014, de 29 d'avientu, de Presupuestos Xenerales pal 2015.

*Cuarto.*—La Llei 38/2003, de 17 de payares, Xeneral de Subvenciones, establez nel so artículu 23.2 el conteníu mínimu de les convocatories aprobaes pol órganu competente.

*Quinto.*—Esta convocatoria, abierta a la participación d'entidaes que desenvuelven actividaes económiques, atópase sujeta al Reglamentu (UE) n.u 1407/2013 de la Comisión, de 18 d'avientu del 2013, relativu a l'aplicación de los artículos 107 y 108 del Tratáu de Funcionamientu de la Unión Europea a les ayudes de mínimos (DOUE L 352, de 24/12/2013), norma esta d'algame xeneral, aplicable directamente y obligatoria en tolos sos elementos.

*Sesto.*—Existe creitu amañosu y suficiente na aplicación presupuestaria 14.04.422R.472.012 de los Presupuestos Xenerales del Principáu d'Asturies pal exerciciu 2015.

D'esta miente, vistos los preceptos llegalos citaos y demás d'aplicación xeneral, pola presente

## RESUELVO

*Primero.*—Autorizar un gastu destináu a la presente convocatoria, por importe de 80.000 € (ochenta mil euros), con cargu a l'aplicación presupuestaria 14.04.422R.472.012, de los Presupuestos Xenerales del Principáu d'Asturies pal exerciciu 2015.

*Segundo.*—Aprobar la convocatoria pública de subvenciones a medios de comunicación pa la normalización social del asturianu y, nel so casu, del gallego-asturianu, en réxime de concurrencia competitiva, que va llevase alantre acordies coles prescripciones que darréu s'indiquen:

### 1.—Oxetu.

1.1. Esta convocatoria tien como oxetu la concesión d'ayudes económiques, en réxime de concurrencia competitiva, a empreses periodístiques, radiofóniques, televisives o d'Internet, poles inversiones realizaes na producción d'espacios onde s'utilice l'asturianu, o'l gallego-asturianu, bien de manera habitual n'informaciones xenerales, bien n'espacios periódicos y fijos, bien en programes extraordinarios d'interés especial, pero siempres que tal usu contribuya a la normalización y dignificación del usu social de la llingua y seyan espacios configuraos como propios del mediu de comunicación y asumíos por él.

1.2. Los proyectos subvencionables van ser los que se lleven alantre nel exerciciu d'esta convocatoria (hasta la fecha máxima de xustificación marcada na mesma) o nos meses de payares y avientu del exerciciu anterior.

Nun se va considerar subvencionable nengún proyectu nel que nun s'establezan gastos directos, que son aquellos a los que se refier la Base V.1.

1.3. Tán escluyíos d'estes ayudes los folletos internos de les instituciones, les publicaciones de partíos políticos, asociaciones culturales y les entidaes públiques.

1.4. Ensin perxuciu de la posible presentación de dellos proyectos por cada solicitante, namás pueden ser oxetu de subvención un máximu de tres de los proyectos presentaos. Nesi casu, van considerase desestimaos de manera automática los proyectos presentaos por una mesma solicitante que sacaren puntuación peor en comparanza colos sos proyectos meyor puntuaos.

### 2.—Réxime xurídicu.

Ensin perxuciu de lo que se dispón na Llei Xeneral de Subvenciones y el Reglamentu (UE) n.u 1407/2013 de la Comisión, de 18 d'avientu del 2013, relativu a l'aplicación de los artículos 107 y 108 del Tratáu de Funcionamientu de la Unión Europea a les ayudes de mínimos (DOUE L 352, de 24/12/2013), esta convocatoria de subvenciones va mandase poles Bases reguladores aprobaes por Resolución de la Conseyería d'Educación, Cultura y Deporte de 20 de xunu del 2014 (BOPA de 27 de xunu del 2014), y la so modificación por Resolución de 1 de xunetu del 2015 de la Conseyería d'Educación, Cultura y Deporte (BOPA n.u 157, de 8 de xunetu del 2015) pola que s'aprueba la primer modificación de les Bases reguladores de la concesión de subvenciones a medios de comunicación pa la normalización social del asturianu y, nel so ámbitu, del gallego-asturianu, en réxime de concurrencia competitiva.

### 3.—Gastos subvencionables.

Los gastos subvencionables van ser los que s'establecen na base V de la Resolución de la Conseyería d'Educación, Cultura y Deporte de 20 de xunu del 2014 (BOPA de 27 de xunu del 2014), pola que s'aprueben les bases reguladores de la concesión de subvenciones pa les actividaes de medios de comunicación n'asturianu y en gallego-asturianu, modificada por Resolución de 1 de xunetu del 2015 de la Conseyería d'Educación, Cultura y Deporte (BOPA n.u 157, de 8 de xunetu del 2015) pola que s'aprueba la primer modificación de les Bases reguladores de la concesión de subvenciones a medios de comunicación pa la normalización social del asturianu y, nel so ámbitu, del gallego-asturianu, en réxime de concurrencia competitiva.

Los gastos indirectos del proyectu van ser subvencionables hasta un máximu del 40% del presupuestu aprobáu, siempres que seyan necesarios y xustificaos pal so desenvolvimientu, y s'estableza a les clares el porcentaxe d'imputación de los mesmos nel presupuestu presentáu.

### 4.—Requisitos pa solicitar la subvención y forma d'acreditalos.

4.1. Puede participar nesta convocatoria como solicitante cualesquier empresa privada (persona física o xurídica) que seya titular d'un mediu de comunicación d'ámbitu asturianu y que tenga'l so domiciliu social, establecimientu o delega-



ción comercial nel Principáu d'Asturies. La empresa ha cumplir los requisitos establecíos na base III de la Resolución de la Consejería d'Educación, Cultura y Deporte de 20 de xunu del 2014 (BOPA de 27 de xunu del 2014), pola que s'aprueben les bases reguladores de la concesión de subvenciones pa les actividaes de medios de comunicación n'asturianu y en gallego-asturianu.

4.2. La solicitú ha presentase nel modelu normalizáu que s'incorpora como Anexu I a esta convocatoria. Ha presentase una solicitú por cada proyectu.

La solicitú tien d'acompañase de los documentos que s'indiquen de siguío:

— Nel casu de persona física:

Fotocopia del DNI o autorización al órganu instructor pa que pueda consultar los datos d'identidá al ministeriu competente en materia d'Interior.

Fotocopia del últimu recibu d'ingresu de cuota del Réxime Especial de Trabayadores Autónomos.

— Nel casu d'entidá xurídica:

Fotocopia del NIF.

Fotocopia d'escritura de constitución y les sos modificaciones.

DNI de la persona qu'actúe como representante de la entidá o autorización al órganu instructor pa que pueda recabar los certificaos d'identidá al ministeriu competente en materia d'Interior. Tala condición de representante habrá acreditase a la fecha de presentación de la solicitú.

— Tanto les personas físiques como xurídiques han presentar:

Documentu actualizáu acreitativu de tar d'alta nel epígrafe correspondiente del IAE y informe de situación d'alta de la entidá solicitante nel Sistema de la Seguridá Social a la fecha de presentación de la solicitú. El conteníu de la documentación aportada conforme a esti apartáu habrá acreitar que la entidá cumple coles condiciones pa ser beneficiaria d'estes ayudes, según lo que se prevé nel puntu 4.1.

Documentación acreitativa de que la entidá solicitante tien el so domiciliu social, establecimientu o delegación comercial nel Principáu d'Asturies.

Certificación acreitativa de que la entidá ta al corriente de les sos obligaciones tributaries, de nun tener deudes cola Hacienda del Estáu, nin cola Hacienda del Principáu d'Asturies y del pagu de cotizaciones a la Seguridá Social. La persona o entidá solicitante podrá autorizar al órganu instructor pa que recabe los certificaos a emitir pola Axencia Estatal de l'Alministración Tributaria, la Tesorería de la Seguridá Social y l'Ente Tributariu del Principáu d'Asturies.

Declaración responsable de la persona que represente a la entidá, tocante a nun tar incurso esta nes prohibiciones p'algamar la condición de beneficiaria, previstes nel artículu 13 de la Llei 38/2003, de 17 de payares, Xeneral de Subvenciones, y de tener xustificaes les subvenciones y ayudes concedíes con anterioridá pola Comunidá Autónoma.

Declaración responsable relativa a otres subvenciones, ayudes, ingresos o recursos solicitaes y, nel so casu, concedíes pa la mesma finalidá, por cualesquier Alministración Pública o entes públicos o privaos, nacionales o internacionales, con indicación de la entidá concedente, fecha y importe; en casu contrariu, declaración de que nun solicitó ayuda nenguna pa la realización d'esta actividá.

Declaración responsable de la veracidá de los datos incluyíos na solicitú.

Ficha d'acreedores acompañada, según proceda, de fotocopia del DNI o CIF de la empresa, cumplimentada de manera correcta y tramitada pola entidá bancaria. Esti documentu ha presentase namás cuando se solicite subvención del Principáu d'Asturies por primer vegada, o cuando se produxera dalgún cambéu que tenga de ser conseñáu na mesma.

Proyect u detalláu, en formatu papel y coles sos páxines numberaes, que tien d'incluyír como conteníu imprescindible los datos siguientes:

Calendariu de realización y execución del proyect u. El proyect u ha tener como fecha máxima d'execución la fecha máxima de xustificacón establecida nesta convocatoria.

Fueya anual d'audiencies o de divulgación, certificáu de ventes, documentu de control de visites nel casu de los proyectos web, o, n'otru casu, documentos indicadores que dexen constatar el grau de difusión del mediu.

Los proyectos de los medios de prensa escrita van dir acompañaos de testos de muestra que dexen ver a les clares l'usu llingüísticu escoyíu, y han indicar númberu de páxines, sitiu d'inserción, periodicidá, díes de publicación y inserción, temática, estructura, tipu de maquetación, personal de redacción, collaboraciones y cuanta información seya menester pa la concreción máxima del proyect u al oxetu de la so valoración.

Los proyectos de les emisores de radio y televisión podrán dir acompañaos d'una maqueta de muestra, y en tou casu han indicar planificación temporal, guion del programa o programes, duración de los espacios, díes y hores d'emisión, oxetivos del programa, temática, estructura de la programación, personal de redacción y collaboración, y cuanta información seya menester pa la concreción máxima del proyect u al oxetu de la so valoración.



Los proyectos d'Internet han incluyir muestra escrita na que se concrete'l mapa web, la estructura de la páxina, textos de muestra que dexen ver a les clares l'usu llingüísticu escoyíu, y cuanta información seya menester pa la concreción máxima dle proyectu al oxetu de la so valoración.

Presupuestu equilibráu y firmáu —qu'incluya les partíes que lu integren, recoyendo los gastos y ingresos de l'actividá pa la que se solicita ayuda— onde s'indique l'aportación económica de la persona o entidá solicitante pal desenvolvimientu de l'actividá; esta ha ser, pelo menos, d'un 20% del presupuestu total de l'actividá. Nesti presupuestu ha facese constar l'importe de l'ayuda económica solicitada pola entidá peticionaria, que nun va poder pasar del 70% del presupuestu total del proyectu.

Nel casu de que la persona o entidá peticionaria solicite ayuda económica pa más d'un proyectu na mesma convocatoria, ye bastante con axuntar la documentación anterior con ún de los proyectos, indicando nes otres solicitúes esta circunstancia y identificando a les clares el proyectu que contién la documentación completa axunta.

Sicasí lo anterior, ha presentase de manera obligatoria y individualizada, por cada solicitú y proyectu, la documentación siguiente:

Declaraciones responsables.

Proyectu detalláu.

Presupuestu del proyectu.

Cantidá económica de l'ayuda solicitada.

4.3. Arriendes de la documentación referida nel apartáu anterior, acordies col artículo 6 del Reglamentu (UE) n.u 1407/2013 de la Comisión, de 18 d'avientu del 2013, relativu a l'aplicación de los artículos 107 y 108 del Tratáu de Funcionamientu de la Unión Europea a les ayudas de mínimis, la persona o entidá solicitante ha presentar declaración, escrita o en soporte electrónicu, tocante a toles demás ayudas de mínimis recibies mientres los dos exercicios fiscales anteriores y mientres l'exerciciu fiscal en cursu que tean suxetes al Reglamentu mentáu o a otros reglamentos de mínimis. Esta declaración incorporaráse nel modelu de solicitú.

Nun van subvencionase, en casu nengún, proyectos d'entidaes solicitantes nos que l'importe total de les ayudas de mínimis concedies pase de 200.000 euros mientres cualesquier periodu de tres exercicios fiscales.

#### 5.—Comisión de Valoración y órganu competente pa la instrucción y resolución del procedimientu.

5.1.—La Comisión va tar presidida pola persona titular de la Dirección Xeneral competente en materia de política llingüística (o persona na que delegue), y integrada por un mínimu de tres y un máximu de cinco persones que van actuar en calidá de vocales, de les que pelo menos dos han ser personal adscrito al órganu instructor y les otres podrán ser persones vinculaes al ámbitu de la llingua y cultura asturiana. Va actuar como Secretariu/a un empleáu públicu o una empleada pública con adscripción a la Dirección Xeneral competente en materia de política llingüística.

Nel casu d'ausencia o enfermedá, y en xeneral cuando se dea dalguna causa xustificada, los miembros titulares de la comisión de valoración van ser sustituyíos por quien l'órganu competente nome como suplentes.

5.2.—L'órganu instructor va ser el Serviciu de Política Llingüística, y el procedimientu va resolverse por resolución de la persona titular de la Consejería d'Educación, Cultura y Deporte.

El plazu máximu pa resolver y notificar la resolución del procedimientu va ser de seis meses. El plazu va computase de magar s'espulsa la convocatoria correspondiente.

Desque trescurra'l plazu máximu ensin recaer resolución espresa, les entidaes solicitantes van poder entender desestimaes les solicitúes por silenciu alministrativu.

#### 6.—Plazu y sitiu pa la presentación de solicitúes.

6.1. Les solicitúes han presentase nel plazu de 15 díes hábiles a cuntar dende l'otru día d'espulzase la presente convocatoria nel BOPA. El formulariu de solicitú (Anexu I) ha acompañase de la totalidá de la documentación esixida.

Si la solicitú nun reúne los requisitos esixíos na norma de convocatoria, l'órganu competente va pidir a la persona o entidá interesada que la igüe nel plazu máximu y improrrogable de 10 díes hábiles, con encamientu de que, si nun lo fixere asina, va considerase que desistió del so pidimientu, depués de resolución que va tener que se dictar nos términos del artículo 71 de la Llei 30/1992, de 26 de payares, de Réxime Xurídicu de les Alministraciones Públiques y del Procedimientu Alministrativu Común.

6.2. El sitiu de presentación de les instancias va ser el Rexistru Xeneral del Principáu d'Asturies (Cai Coronel Aranda, n.u 2, planta plaza, 33005 Uviéu), o per cualquiera de los sistemes establecíos n'artículo 38.4 de la Llei de Réxime Xurídicu de les Alministraciones Públiques y del Procedimientu Alministrativu Común. Si, usando esti derechu, l'espeditu únviase per corréu, habrá que lu presentar en sobre abiertu pa que'l personal de correos feche y selle la solicitú primero de que se certifique.

#### 7.—Procedimientu de concesión.

7.1. El procedimientu de concesión de subvenciones va tramitase en réxime de concurrencia competitiva, na forma establecida n'artículo 24 de la Llei Xeneral de Subvenciones, coles precisiones contenies na base XI de les bases reguladores modificaes por Resolución de 1 de xunetu del 2015 de la Consejería d'Educación, Cultura y Deporte (BOPA n.u 157, de 8 de xunetu del 2015) pola que s'aprueba la primer modificación de les Bases reguladores de la concesión de



subvenciones a medios de comunicación pa la normalización social del asturianu y, nel so ámbitu, del gallego-asturianu, en réxime de concurrencia competitiva.

La resolución del procedimientu va espublizase nel Boletín Oficial del Principáu d'Asturies, produciendo esa publicación los efectos propios de la notificación y esto d'alcuerdu colo establecíu n'artículu 59.6 y concordantes de la Llei de Réxime Xurídicu de les Alministraciones Públiques y del Procedimientu Alministrativu Común.

Esta resolución termina la vía alministrativa y contra ella pue interponese recursu contenciosu-alministrativu o, nel so casu, recursu potestativu de reposición que habrá presentase ante l'órganu que dictó la resolución.

7.2. Namás van poder recibir subvención aquellos proyectos qu'algamen o pasen la puntuación mínima de 51 puntos, por una cuantía máxima de 20.000 € por proyectu y siendo'l 70% el porcentaxe máximu subvencionable del presupuestu aprobáu axustáu.

7.3. Los proyectos van ordenase pola puntuación sacada, n'orde decreciente (de mayor puntuación a menor puntuación), estableciéndose una prelación ente los mesmos cola mira de determinar el porcentaxe subvencionable del presupuestu aprobáu axustáu, que va aplicase en función de los tramos de puntuación siguientes:

Si'l proyectu saca ente 100 y 91 puntos, la cuantía de la subvención va ser el 70% del presupuestu aprobáu axustáu.

Si'l proyectu saca ente 90 y 81 puntos, la cuantía de la subvención va ser el 68% del presupuestu aprobáu axustáu.

Si'l proyectu saca ente 80 y 71 puntos, la cuantía de la subvención va ser el 66% del presupuestu aprobáu axustáu.

Si'l proyectu saca ente 70 y 61 puntos, la cuantía de la subvención va ser el 64% del presupuestu aprobáu axustáu.

Si'l proyectu saca ente 60 y 56 puntos, la cuantía de la subvención va ser el 62% del presupuestu aprobáu axustáu.

Si'l proyectu saca ente 55 y 51 puntos, la cuantía de la subvención va ser el 60% del presupuestu aprobáu axustáu.

7.4. Cuando'l creitu autorizáu nun seya abundu pa financiar les cantidaes asignaes d'alcuerdu colos criterios de valoración señalaos enantes, ha amenorgase la cuantía de les subvenciones que se concedan, repartiendo'l déficit de financiación proporcionalmente a la cantidá asignada de primeres.

## 8.—Criterios de valoración.

Acordies cola base X de la Resolución de la Consejería d'Educación, Cultura y Deporte de 20 de xunu de 2014 (BOPA de 27 de xunu del 2014), la comisión va evaluar los proyectos según los criterios marcaos nes memes y d'alcuerdu col desglose siguiente:

Grau d'elaboración, detalle y concreción del proyectu presentáu: hasta un máximu de 10 puntos, indicándose:

Grau máximu, que permita una valoración óptima del proyectu: 10 puntos.

Bon grau, que permita una valoración destacable del proyectu: 7 puntos.

Grau suficiente, que permita una valoración afayadiza del proyectu: 5 puntos.

Escasu grau, que permita una valoración mínima del proyectu: 2 puntos.

Grau nulu, que nun permita la so valoración: 0 puntos.

La proyección social y difusión del proyectu: hasta un máximu de 15 puntos con esti detalle:

b.1) El grau de difusión del proyectu: hasta un máximu de 10 puntos, indicándose:

Proyectos de divulgación amplia (según datos de tirada, siguimientu, númberu de llectores o audiencia): 10 puntos.

Proyectos de divulgación media (según datos de tirada, siguimientu, númberu de llectores o audiencia): 5 puntos.

Proyectos de divulgación reducida (según datos de tirada, siguimientu, númberu de llectores o audiencia): 3 puntos.

b.2) Ámbitu territorial y social del proyectu/Ámbitu sociocultural de la páxina web: hasta un máximu de 5 puntos.

Ámbitu nacional o rexonal/Ámbitu ampliu (webs): 5 puntos.

Ámbitu comarcal o local/Ámbitu restrinxíu (webs): 3 puntos.

Adecuación a los oxetivos xenerales de normalización: va valorase nuna escala de 0 a 20 puntos l'adecuación del proyectu a los oxetivos xenerales de normalización del asturianu, atendiendo a aspectos como la tresverbalidá nel usu de la llingua, la xeneralización de la toponimia oficial d'Asturies, el desenvolvimientu d'actitúes positives al respective de la llingua autóctona, l'atención al públicu infantil/xuvenil, etcétera.

Presencia del asturianu o gallego-asturianu na programación del mediu: hasta un máximu de 20 puntos, distinguiendo ente prensa escrita, radio/televisión y páxines web, indicándose:

*Prensa escrita:*



Estensión del espaciu escritu (max. 10 puntos).

Proyectu dafechamente n'asturianu: 10 puntos.

Proyectos con una estensión igual o superior al 50% del espaciu escritu tomando como referencia'l total de la publicación: 7 puntos.

Proyectos con una estensión inferior al 50% del espaciu escritu tomando como referencia'l total de la publicación: 5 puntos.

Llugar preferente de la páxina (max. 5 puntos)

Llugar destacáu na publicación (portada o contraportada): 5 puntos.

Llugar non preferente na publicación: 2 puntos.

Frecuencia d'actualización (max. 5 puntos)

Frecuencia diaria, selmanal o quincenal: 5 puntos.

Frecuencia mensual, anual o otres frecuencies: 2 puntos.

#### *Radio/televisión:*

Estensión del espaciu faláu o emitíu (max. 10 puntos)

Proyectu dafechamente n'asturianu: 10 puntos.

Proyectos con una estensión igual o superior al 50% del espaciu faláu tomando como referencia'l total de la programación: 7 puntos.

Proyectos con una estensión inferior al 50% del espaciu faláu tomando como referencia'l total de la programación: 5 puntos.

Horariu d'emisión (max. 5 puntos)

Horariu máxima audiencia: 5 puntos.

Otros horarios: 2 puntos.

Díes d'emisión (max. 5 puntos)

Programa diariu o de llunes a viernes: 5 puntos.

Díes alternos, selmanal, quincenal, etc.: 2 puntos.

#### *Páxines web:*

Estensión del espaciu escritu (max. 10 puntos)

Proyectu dafechamente n'asturianu: 10 puntos.

Proyectos con una estensión igual o superior al 50% del espaciu escritu tomando como referencia'l total de conteníos: 7 puntos.

Proyectos con una estensión inferior al 50% del espaciu escritu tomando como referencia'l total de conteníos: 5 puntos.

Accesu al conteníu n'asturianu na estructura xeneral de la web (max. 5 puntos)

Accesu directu: 5 puntos.

Accesu indirectu: 2 puntos.

Grau d'actualización (max. 5 puntos)

Actualización diaria: 5 puntos.

Actualización non diaria: 2 puntos.

Interrés y calidá del proyectu: va valorase nuna escala de 0 a 20 puntos la calidá de los conteníos del proyectu, atendiendo a aspectos como'l profesionalismu, la orixinalidá y innovación, l'usu del llinguaxe, la capacidá de representación de la realidá, la contribución al desarrollu de la cultura o la representatividá social.

Grau de corrección llingüística na realización del proyectu: hasta un máximu de 15 puntos, con esti detalle:

Esceleste corrección ortográfica, sintáctica y riqueza léxica: 15 puntos.

Bona corrección ortográfica, sintáctica y riqueza léxica: 10 puntos.

Suficiente corrección ortográfica y sintáctica: 5 puntos.

Insuficiente corrección ortográfica y sintáctica: 0 puntos.

9.—*Pagu de la subvención.*



1. Con calter xeneral, l'abonu de les subvenciones va facese desque se xustifique na forma qu'establez la base decimocuarta de la Resolución de la Consejería d'Educación, Cultura y Deporte de 20 de xunu del 2014, modificada por Resolución de 1 de xunetu del 2015, de la Consejería d'Educación, Cultura y Deporte (BOPA n.u 157, de 8 de xunetu del 2015) pola que s'aprueba la primer modificación de les Bases reguladores de la concesión de subvenciones a medios de comunicación pa la normalización social del asturianu y, nel so ámbitu, del gallego-asturianu, en réxime de concurrencia competitiva, pente medies de tresferencia bancaria a la cuenta asignada pola entidá beneficiaria.

2. Sicasí lo que se dispón nel apartáu anterior, con calter excepcional nesta convocatoria d'anguaño, y acordies colo que dispón la base decimosesta de la Resolución de la Consejería d'Educación, Cultura y Deporte de 20 de xunu del 2014, modificada por Resolución de 1 de xunetu del 2015, de la Consejería d'Educación, Cultura y Deporte, les subvenciones d'importe inferior a seis mil diez euros (6.010 €) van abonase de manera automática desque la Ilma. Conseyera d'Educación, Cultura y Deporte firme la resolución de concesión.

Les subvenciones d'importe superior a seis mil diez euros (6.010 €) van abonase previa petición y presentación de garantía, acordies colo que dispón l'artículo 12 del Decretu 71/1992, de 29 d'ochobre, que regula'l Reglamentu Xeneral de Concesión de Subvenciones, nos términos de les resoluciones de la Consejería de Hacienda de fecha 19 de marzu y 30 de xunetu del 2001 de modificación de la Resolución de fecha 11 de febreru del 2000, poles que se regula'l Réxime de Garantías pal Abonu Anticipáu de Subvenciones.

En tolos casos, pa proceder al pagu de la subvención concedida ríquese la presentación del certificáu del órganu correspondiente qu'acreite tar al corriente de les obligaciones tributaries y cola Seguridá Social, y nun tener deudes cola Hacienda del Principáu d'Asturies, sacante cuando la cuantía de la subvención, por beneficiariu y añu nun pase de 3.005,06 €, tal y como s'establez n'artículo 10.3 d) del Decretu 71/92, de 29 d'ochobre, que regula'l Réxime Xeneral de Concesión de Subvenciones.

En cualesquier casu, l'abonu anticipáu de la subvención nun esime de la obligación d'acreditar en plazu'l cumplimientu de les condiciones establecies na resolución de concesión.

#### 10.—Xustificación de la subvención.

La xustificación ha facese na forma establecida na base XIV de la Resolución de la Consejería d'Educación, Cultura y Deporte de 20 de xunu del 2014, pola que s'aprueben les bases reguladores de la concesión de subvenciones pa les actividaes de medios de comunicación n'asturianu y en gallego-asturianu en réxime de concurrencia competitiva, modificada por Resolución de 1 de xunetu del 2015, de la Consejería d'Educación, Cultura y Deporte, pol sistema de cuenta xustificativa; en concreto, la relación clasificada de gastos y inversiones de l'actividá ha presentase según modelu que figura como Anexu II a esta convocatoria.

Como muestra de l'actividá subvencionada ye menester axuntar copia de la totalidá de los exemplares impresos; nel casu d'actividaes de calter audiovisual, muestra de les grabaciones y certificaciones d'emisión, y nel casu de páxines web, muestra nun formatu que dexa visualizar el conteníu de la páxina en xeneral y los testos insertaos.

El plazu máximu pa la xustificación de les ayudes concedíes va ser el 4 d'avientu del 2015.

#### 11.—Revocación, reintegru y réxime de sanciones.

La revocación, reintegru y el réxime de sanciones va llevase alantre d'alcuerdo a lo qu'establez la base XIX de la Resolución de la Consejería d'Educación, Cultura y Deporte de 20 de xunu del 2014 pola que s'aprueben les bases reguladores de la concesión de subvenciones pa les actividaes de los medios de comunicación n'asturianu y en gallego-asturianu en réxime de concurrencia competitiva, modificada por Resolución de 1 de xunetu del 2015 de la Consejería d'Educación, Cultura y Deporte.

Atendiendo a lo dispuesto na mentada base XIX, l'incumplimientu del proyectu superior al 50% va suponer la revocación total de la subvención concedida.

*Tercero.*—Disponer la publicación d'esta Resolución nel Boletín Oficial del Principáu d'Asturies.

Esti actu termina la vía alministrativa y contra'l mesmu pue interponese recursu contencioso-alministrativu ante la Sala de lo Contencioso-Alministrativu del Tribunal Superior de Xusticia del Principáu d'Asturies nel plazu de dos meses contaos dende'l día siguiente al de la so publicación nel Boletín Oficial del Principáu d'Asturies, ensin perjuiciu de la posibilidá d'interposición previa del recursu potestativu de reposición ante la Ilma. Sra. Conseyera d'Educación, Cultura y Deporte nel plazu d'un mes a contar dende'l día siguiente al de la so publicación nel Boletín Oficial del Principáu d'Asturies, nun pudiendo presentase al empar dambos recursos, acordies colo qu'establez l'artículo 28 de la Llei del Principáu d'Asturies 2/1995, de 13 de marzu, sobre réxime xurídicu de l'Alministración, y nel artículo 116 de la Llei 30/1992, de 26 de payares, de réxime xurídicu de les Alministraciones Públiques y del procedimientu alministrativu común, y ensin perjuiciu de que los interesaos puedan exercitar cualesquier otru que consideren procedente.

Oviedo, 14 de xunetu de 2015.—La Conseyera d'Educación, Cultura y Deporte, Ana González Rodríguez.—Cód. 2015-12110.

(Modelu de solicitú, anexu I).

(Relación clasificada de gastos, anexu II).



## SUBVENCIONES PA LA NORMALIZACIÓN SOCIAL DEL ASTURIANU

Páxina 1 de 2

Espaciu reserváu pa rexistru alministrativu

GOBIERNU DEL PRINCIPAU D'ASTURIES

### Datos de la persona solicitante

#### Persona física

Primer apellíu	Segundu apellíu	Nome
<input type="text"/>	<input type="text"/>	<input type="text"/>
N.I.F./N.I.E.	Teléfonu (fixu/móvil)	Corréu electrónicu
<input type="text"/>	<input type="text"/>	<input type="text"/>

#### Persona xurídica

Razón social	N.I.F.
<input type="text"/>	<input type="text"/>

#### Representante llegal (Cumplimentar namás cuando la solicitú se formule por persona distinta del solicitante o cuando ésti sia una persona xurídica)

Primer apellíu	Segundu apellíu	Nome
<input type="text"/>	<input type="text"/>	<input type="text"/>
N.I.F./N.I.E.	Teléfonu (fixu/móvil)	Corréu electrónicu
<input type="text"/>	<input type="text"/>	<input type="text"/>

#### Señes a efectos de notificación

Calle/Plaza	C.P.	N.º	Bloque	Esc.	Pisu	Puerta
<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>	<input type="text"/>
Provincia	Conceyu	Llugar				
<input type="text"/>	<input type="text"/>	<input type="text"/>				

Autorizo a l'Alministración pa informame per aciu de mensaxes SMS o correos electrónicos del estáu de la mio solicitú mesmo que d'otru tipu d'avisos relacionaos que puedan ser del mio interés.

### Oxetu de la solicitú

#### SUBVENCIONES A LA PROMOCIÓN DE LA MÚSICA N'ASTURIANU Y EN GALLEGO-ASTURIANU:

##### Denominación del proyectu

Cantidá solicitada	Presupuestu total del proyectu	Data d'empiezu del proyectu	Data final del proyectu
<input type="text"/> €	<input type="text"/> €	<input type="text"/>	<input type="text"/>

#### Datos bancarios

Entidá	Sucursal	N.º Cuenta
<input type="text"/>	<input type="text"/>	<input type="text"/>
<small>Entidá</small>	<small>Sucursal</small>	<small>DC</small>
<input type="text"/>	<input type="text"/>	<input type="text"/>
<small>N.º Cuenta</small>	<input type="text"/>	<input type="text"/>

#### Solicitó o llogró otre ayudas públiques o privaes en rellación con esta solicitú?

Sí  Non

#### Ayudes solicitaes o llograes d'entidaes públiques o privaes

(Cumplimentar cuando proceda)

<input type="text"/>
<input type="text"/>
<input type="text"/>
<input type="text"/>

#### Órganu xestor (Cumplimentar cuando proceda)

<input type="text"/>
<input type="text"/>
<input type="text"/>
<input type="text"/>

Pa llograr **más información** d'esti serviciu pue llamar al teléfonu d'atención ciudadana **012** o **985 279 100**, si la llamada la fai dende fuera del Principáu d'Asturies, o bien acudir a [www.asturias.es](http://www.asturias.es). Tamién pue unviar el formulariu de solicitú al traviés de <https://sede.asturias.es>. Recordámos-y que pue consultar l'estáu d'esta solicitú en [www.asturias.es](http://www.asturias.es) dende la so área personal. Pa ello namás necesita disponer del DNÍe, un certificáu dixital reconociu o la clave SAC.





0020023519

## SUBVENCIONES PA LA NORMALIZACIÓN SOCIAL DEL ASTURIANU

Página 2 de 2

Espaciu reserváu pa rexistru alministrativu

GOBIERNU DEL  
PRINCIPÁU D'ASTURIAS

La persona solicitante autoriza a que l'Alministración del Principáu d'Asturies recabe la información que vien darréu: pente medies de la plataforma d'intermediación de datos de les Alministraciones Públiques o pente medies d'otros sistemas qu'establezan *(de nun marcar dalguna opción, tien d'acompañar a la solicitú la documentación correspondiente)*:

- Al Ministeriu competente en materia d'Interior, la consulta de los sos datos d'identidá (DNI/NIE).
- A la Axencia Estatal de l'Alministración Tributaria, la consulta de tar al corriente nel cumplimientu de les obligaciones tributaries estatales.
- Al Ente Públicu de Servicios Tributarios, la consulta de tar al corriente nel cumplimientu de les obligaciones tributaries cola Hacienda del Principáu d'Asturies.
- A la Tesorería Xeneral de la Seguridá Social, la consulta de tar al corriente nel cumplimientu de les obligaciones cola Seguridá Social.
- A la Tesorería Xeneral de la Seguridá Social, la consulta de situación d'alta na Seguridá Social (nel casu de persones físiques).

La persona solicitante declara:

- > Que son ciertos y completos tolos datos de la presente solicitú, mesmo que tola documentación que presenta (la falsedá nun documento públicu ye un delitu, acordies col artículu 392 del Códigu Penal).
- > Que se compromete a cumplir les condiciones que s'especificuen na normativa aplicable, que conoz na so integridá.
- > Nun tar incursu nes prohibiciones pa llograr la condición de beneficiariu, señalaes nos apartaos 2 y 3 del artículu 13 de la Llei 38/2003, de 17 de payares, Xeneral de Subvenciones.
- > Alcontrase al corriente nel cumplimientu de les sos obligaciones tributaries y cola Seguridá Social.
- > Nun ser deudor de la Hacienda Pública del Principáu d'Asturies por deudes vencíes, liquidaes y esixibles.
- > Proceder a la xustificación de les subvenciones y ayudes concedíes con anterioridá pola Comunidá Autónoma.
- > Comprometese a comunicar y documentar, nel so casu, la solicitú o llogru de subvenciones o ayudes pa la mesma finalidá procedentes d'otros Alministraciones Públiques o entes públicos o privaos.

ÓRGANU AL QUE SE DIRIXE:

Firma/s

En/Nº

a

de/d'

de/d'

Pa llograr **más información** d'esti serviciu pue llamar al teléfonu d'atención ciudadana **012** o **985 279 100**, si la llamada la fai dende fuera del Principáu d'Asturies, o bien acudir a [www.asturias.es](http://www.asturias.es). Tamién pue unviar el formulariu de solicitú al traviés de <https://sede.asturias.es>. Recordámos-y que pue consultar l'estau d'esta solicitú en [www.asturias.es](http://www.asturias.es) dende la so área personal. Pa ello namás necesita disponer del DNIE, un certificáu dixital reconociu o la clave SAC.

